

**Inuit Aqqinik Akuersisartut 19/06-2012, nal. 10.00 Oqaasileriffimmi
ataatsimiinnerannit imaqarniliat**

Peqataasut: Sofie Petersen, Eva Møller Thomassen, Lotte Holm.

Allatsi: Nuka Møller

1. Tikilluaqqusineq ilisimatitsissutillu

Siulittaasoq tikilluaqqusivoq. Takuuk immikkoortoq 4.

2. Kingullermik ataatsimiinnermit imaqarniliat akuerineqarneri

Imaqarniliat akuerineqarput. Immikkoortoq 4-miittoq quppersagaliornissamut tunngasoq suliaq ingerlaqqiinnassasoq aalajangerneqarpoq.

3. Atit akuereqqullugit qinnutigisat:

a. *Sanak/Sarnaq?* (3/2) ♂

Suli misissoqqinneqassasoq aalajangerneqarpoq.

b. *Ija (Ea)* – (29/3) ♀

Aalajangeriigaq attatiinnarneqassaaq: *Iia*.

c. *Alunnguaq* (11/4) ♀♂

Akuerineqarpoq *Alu* akuerisaneereermat.

d. *Baabi* (23/4)

Paapi akuerineqarpoq.

e. *Kaannguaq* (12/06) ♀♂

Ippigineqarmat misissoqqinneqassasoq aalajangerneqarpoq qinnuteqartup tunngavilersuutaa paasiniarlugu. Siunnersuutigineqarpoq atsiussinermi kuissutaa Kristian atsiuteriarlugu taaguutaa taaguutaannartut atoqqullugu.

f. *Meera* (12/06) ♀♂

Akuerineqarpoq.

g. *Missia/Messia* (12/06) ♀

Akuerineqanngilaq.

h. *Bibeane* (14/06) ♀

DK-mi akuerisaniipput taamaallaat Bebiane aamma Bibiane. Ataatsimiinnerup kinguninngua qinnuteqartoq *Bebiane* toqqarsimallugu.

4. Ilisimatitsissutit - Aqqit pillugit suliat ataatsimiinnerup avataatigut ingerlasut.

Isumaa: Inequnaaluk (26/2), Qaavigarsuaq (6/3), Miilu (9/3), Natuk (12/3), Qaavigarsuaq (22/3), Aischa (11/4), Regine (17/4), Avaaraq (17/4), Ukkana (1/5), Amaalik (3/5), Esta, Seba, Maqe (25/4), Alliaq (10/5), Inuik (16/5), Jaden (21/5),

Allattaaseq: Knud/Kunuuti/Kunuk? 20/2, Amaulik/Amaalik (22/3), Qimugsserâq/Qimusseraaq (3/4), Aaqqatissaq (20/4),

Akuerisat: Mandix (DK 11/4), Tarqik (12/4), Denzel (DK 27/4), Anthoria (DK 9/5), Niviaaja (12/6), Panu (15/6), Sialuk (15/6),

Akuerisaanersoq: Rio (9/3), Nuunooraq (11/4), Juupi/Job (30/4), Aliana/Aliaana (21/5), Axline (30/5), Nanoq (6/6),

Inatsisinut tunngasut: Vicebiskopip kaajallaasitaa 1986-imeersoq suli atuunnersoq (22/3)

Tusaatissatut tiguneqarput.

6. Taasariaqartut allat

- a. Allattaasoq ilisimatitsivoq maajip 18-ianni arnat atuagassiaannut **ARNANUT**-mut atsiisarneq pillugu paasisutissanik noqqaavigineqarsimalluni taakkuninngalu quppernerullu affaanik takissusilimmik nassiussimalluni.
- b. IAA-mit aqqit akuerisat kingulliit ilanngullugit sineriammi ilagiinnik sullissisut maajip 11-anni e-mailikkut **2007-ip kingorna nalunaarsukkanik** nassiussorneqarsimapput.
- c. Allattaasoq juunip 6-ianiit 9-ianut **Askov Højskolemi Nunani Avannarlerni nunat inuillu aqqit pillugit ataatsimeersuarnermi** Nunatsinni nunat inuillu aqqit pillugit Oqaasileriffimmi suliat saqqummiuttussaallugit nalunaarpoq.
- d. Siulittaasup atitut akuereqqullugu qinnuteqaat *Panilla* apriliip 18-anni sumut killinnersoq paasiniaqquaa. Palaseqarfik Nuummut paasiniaareernerup kingorna Familiestyrelsemit ilisimatitsissutigineqarpoq juunip 27-anni ilisimatitsissutigineqarpoq qinnuteqaat akuerineqanngitsoq.
- e. Ataatsimiittarnerit aalajangiisarnerrillu qanoq iluseqassanersut eqqartorneqarpoq, e-mailikkut imalt. ataatsimiigiartarnikkut pisassanersut, taamaattoqassappallu ataatsimiinnermusiaqartarneq agguaqatigiisillugu aqqit sisamat aalajangiiffigneqareeraangata nassiunneqartassanersut eqqartorneqarluni.
- f. Ukiuni kingullerni aqqit isumaat pillugit saaffiginnittartut amerlassusii pissutigalugit akissusiat aqqissuuteqqillugit naalisarlugillu kalaallisuumut, qallunaatumut tuluttuumullu nutseriarlugit, akuerisallu nalunaarsukkat sinneruttut isumaat tamakkerniarsaralugit saqqummiunneqassasut siunniusimaneqarpoq. Oktobari qaammat killiffik naapertorlugu nalilersuisoqareerpat, qaqugorpiaq naqitanngorlugit saqqummersineqassanersut nalilersueqqittoqassasoq allattaasoq nalunaaruteqarpoq.

Inussiarnersumik inuulluaritsi

Nuka Møller, allatsi